



Martha Lund Olsen
Inatsisartunut ilaasortaq, Siumut

§ 37 naapertorlugu apeqquteqaammut akissut – isumaginninnermi siunner- sortinngorniartarneq pillugu

29-06-2017
Sagsnr. 2017 - 13773
Dok. nr. 5628195

Postboks 1029
3900 Nuuk
Tlf: +299 34 50 00
Fax: +299 32 20 73
Email: ikiin@nanoq.gl
www.nanoq.gl

Asasara Martha Lund Olsen,

Qujanaq Inatsisartut suleriaasiat naapertorlugu apeqquteqaatinnut. Ataani akissuteqarfigissavakka.

Apeqquteqaat 1: Ilumoorpa Najugaq qimannagu Inunnik Siunnersortinngorniat ilinniartitaanerata aningaasassaaleqineq pillugu unilersoq?

Akissuteqaat: Aningaasassaaleqineq pillugu ilinniakkap unitsinnissaanik pilersaaruteqartoqanngilaq. Akerlianik ilinniagaq ingerlaqqissaaq, ilutigisaanillu holdip nutaap pilersinnissaa pillugu isumaqatigiinniartoqarpoq, ilinniagaq una pilersaarutit malillugit naammassippat. Isumaqatigiinniarnert inernerat a-ningaasanut inatsisissap isumaqatigiissutiginiarneranut ilaassapput.

Apeqquteqaat 2: Naaggaartoqarpat – ilumoorpa ilinniartitaanermi immikkoortortat ukioq manna 2017-imi pilersaarutaareersut naapertorlugit ingerlanneqarnaviannigitsut, aningaasassaaleqineq patsisaalluni?

Akissuteqaat: Sulissutigineqarpoq ilinniakkap pilersaarutit malillugit augustimi ingerlanneqarnissaa, tamannalu pissaaq isumaginninnermut tunngasut iluanni ilinniakkanut aningaasatigut sinaakkusiussat mianeralugit.

Apeqquteqaat 3: Soormitaavaana siunertaasumut aningaasanik naammaluartunik immikkoortitsisoqarsimannigitsoq?

Akissuteqaat: Akissuteqaatit 1 aamma 2 takukkit. Aningaasanut inatsisip akuersissutigineqarneranut atatillugu, Inatsisartut aalajangertarpaat, Naalakkersuisut aningaasatigut qanoq sinaakkuteqassanersut, tamatumunnga ilanngullugit isumaginninnermut tunngasut iluanni ilinniakkat. Naalakkersuisut qularnaasavaat sinaakkusiussat qaangerneqannginnissaat.

Apeqquteqaat 4: Naalackersuisut maanna atuuttut pingaartissimannginerpaat Najugaq qimannagu Inunnik Isumaginninnermi naammalluartunik Siunnersortinngorniartoqassasoq?

Akissuteqaat: Naalackersuisut isumaginninnikkut unammilligassavut ilungersunaqisutut isigivaat, kommunit ilinglatsivinni isumaginninnermi siunnersortissaaleqinermik ajornartorsiutit ilisimaaralugit. Taamaammat Naalackersuisut isumaginninnermi siunnersortinik aamma siunnersuinnermi assistentinik ilinniartitsinissaq pingaarutilittut isigivaat. Suliaqarfiit taakku iluanni naammattunik ilinniarsimasoqalerneratigut, Naalackersuisut kommunit sulianik suliaqartussanik naammattunik atorfinitsitsisinnaalernissaat qularnaareqataaffigisinaavaat. Tassuunakkut qularnaarneqarsinnaavoq sulianik suliaqartut ataasiakkaat suliaasa ikilisinneqarnissaat, taamaattorli siusissumik pinaveersaartitsilluni suliniuteqarnissaq qularnaarlugu, taamaalillunilu piffissami ungasinnerusumi meeqqat angerlarsimaffimmik avataanut inissinneqartartut ikilisillugit. Allatut oqaatigalugu ilinniakkat pitsanngorsaaviginissaat pingaartuuvoq, isumaginninnermut tunngasut aamma meeqqat inuusuttullu pillugit suliat ilorraap tunngaanut saatinneqassappata.

Aammattaq ilaatigut *”Ilinniartitaanermut Pilersaarut II, 2017”* innersuunneqarpoq, tassani ilaatigut ilinniartitsinerup iluani nalinginnaasumik pingaarnersiunerit atuarneqarsinnaammata.

Apeqquteqaat 5: Naalackersuisut qanoq ilillutik takorloorsimanerpaat Inunnik isumaginninnermi allaffissornermi sulinerup sakkortusaavigineqarnissaa, minnerunngitsumik meeqqanik isumassuinerup iluani, Najugaq qimannagu Inunnik Isumaginninnermut Siunnersortinngorniat ilinniartitaanerat matuinarneqassappat?

Akissuteqaat: Naalackersuisut Najugaq qimannagu Isumaginninnermi Siunnersortinngorniarneq maanna ingerlasoq naammassillugu ingerlanniarpaat, holdillu nutaat pilersinnissaat sulissutigalugu. Ilinniagaq taanna Naalackersuisut isumaginninnermik ingerlatsivinni sulianik suliaqarnerup pitsanngorsaaviginarlugu suliniutaannut tamarmiusunut tapertaassaaq. Tamatuma saniatigut Naalackersuisut Isumaginninnermi Aqutsisoqarfik, tamatumunngalu ilanngullugu Nakkutilliinermik Ingerlatsivik pilersinnikuaat, kommunit meeqqat pillugit suliaannik tapersersuillutillu ikiortaasussatut.

Apeqquteqaat 6: Najugaq qimannagu Inunnik Isumaginninnermut Siunnersortinngorniat ilinniartitaanerisa aningaasaliiffigineqarunnaanera, imatut paasisariaqarnerluni Ilinniartitaanerup ullumikkut Ilimmarfimmik ingerlanneqarnera SPS Ilulissanut nuunneqarnissaa immikkoortortatut siullertut pilersaarutaareersoq?

Akissuteqaat: Ilinniakkat nuunneqarsinnaanerit pillugu misissueqqissaarnerit ingerlanneqarput, taakkulu ilinniakkanut ukiumoortumik aningaasaliissuteqartarnernut attuumassuteqanngitsumik ingerlapput.

Apeqquteqaat 7: Naalackersuisut isumaqarsimanerput kommuneni allaffissornerup ilinniartitaanikkut qaffassarnissaa pisariaqarunnaalersimasoq?

Akissuteqaat: Naalackersuisut isumaqarput kommunini sulianik suliaqarnerup pitsanngorsartuarnissaa suli pisariaqartoq. Taamaammat Isumaginninnermut, Ilaqutariinnermut, Naligiissitaanermut Inatsisinillu Atuutsitsinnermut Naalackersuisup sulianik suliaqarnerup pitsanngorsarnissaata aamma isumaginninnermut tunngasut tamarmik pitsanngorsarnissaasa qularnaarnissaat anguniarlugu periusissiorluni suliaq aallartinnikuuaa.

Inussiarnersumik inuulluaqqusilluta


Doris Jakobsen